

Оиша ар-Рожиҳий жомеъ масжиди



13:36 / 09.07.2025 1755

Саудия Арабистонидаги муҳим масканлардан бири «Ар-Рожиҳий» жомеъ масжидидир. Бу масжид нафақат Ислом меъморчилигининг ёрқин намунаси, балки исломий мероснинг муҳим рамзларидан биридир.

Масжиднинг манзили

Масжид Макка шаҳрининг ан-Насим туманида, яъни ҳарам ҳудуди ичида жойлашган. Шу боисдан, кўплаб зиёратчилар ушбу масжидга ташриф буюрадилар ва уни муқаддас масканлардан бири сифатида кўрадилар.

Оиша ар-Рожиҳий жомеъ масжиди

Бу масжидни машҳур саудиялик тадбиркор шайх Сулаймон ар-Рожиҳий ўз онасига вақф сифатида қурдирган. Шунинг учун масжид унинг онаси номи билан «Жомеъ Оиша ар-Рожиҳий» деб аталади. Масжид 1434 ҳижрий йил,

22 Шаъбон куни расман очилган. Очилиш маросимида Макка вилояти амири Холид ал-Файсал ҳам иштирок этган.

Архитектураси тарихи

Масжид мамлук услубида қурилган бўлиб, унинг деворлари бадий нақшлар билан безатилган.

Бош қуббанинг диаметри 13.20 метр, баландлиги 43 метр.

4 та ўрта қубба: ҳар бири 7 метр диаметрида, 34 метр баландликда.

2 та кичик қубба: 4.5 метр диаметрида, 14 метр баландликда.

2 та баланд минора: ҳар бири 68 метр.

Эркақлар намозхонаси 3 қаватдан иборат. Аёлларники эса 2 қават.

Масжид жами 47,000 дан ортиқ намозхонни сиғдира олади.

Ички бино: 22,300 нафар

Ташқи ҳовли: 18,100 нафар

Том қисми: 6,600 нафар

Масжид замонавий технологиялар билан жиҳозланган:

Электрон бошқарув тизимлари.

Замонавий овоз тарқатиш ускуналари ва таржима (6 тилда, жумладан сурдо таржима).

Сувни тозалаш ва қайта ишлаш тизими.

Назорат камералари ва хавфсизлик тизимлари.

Автомат ёруғлик ва совутгич бошқаруви.

Тўғридан-тўғри телевидение ва интернет орқали маърузалар жонли эфирда тақдим этилади.

Хутба, дарс ва намоз ибодатларини ёзиш ва ижтимоий тармоқларга жойлаш хизматлари.



Инфратузилма ва қулайликлар

Янги ва тоза, замонавий таҳоратхоналар.

6 қаватли бино, иккита ертўла (автотураргоҳ ва ибодат зали)

8 та ҳаракатланувчи зинапоя (эскалатор), 4 та лифт (2 таси аёллар учун).

Тахминан 10,000 м² ташқи ҳовли.

Ички бош қубба: 19 метр диаметри, баландлиги 48 метр.

Имомлар:

Шайх доктор Абдулазиз ал-Файз

Шайх доктор Халид ар-Рожиҳий

Шайх Бадр ас-Салами

Шайх Муҳаммад Машофий

Муаззинлар:

Усома Бохазлуқ

Саъид Ол Зухайр

Масжиднинг умумий қурилиш харажатлари 35 миллион саудия риалидан ортиқ бўлган. Бу қурилиш Сулаймон ар-Рожиҳий вақф жамғармаси орқали амалга оширилган.